

KEUSKUPAN AGUNG KUCHING

VISI DAN MISI



MUKADIMAH

Dokumen ini mengemukakan Visi dan Misi Keuskupan Agung Kuching.

Visi dan Misi ini dirangka daripada saranan-saranan Kongres Pastoral Keuskupan Agung yang diadakan dari 19hb sehingga 21hb Ogos 2012. Kongres itu diadakan selepas program selama lima tahun Tumpuan Pastoral kepada Keluarga yang diatur dari 2007 sehingga 2011 selesai.

Kongres tersebut mengguna-pakai Injil Yohanes sebagai asas bagi pertimbangan dan ketetapanannya. Para peserta Kongres adalah ketua-ketua awam dari semua paroki, golongan religius dan paderi serta Uskup Agung Kuching.

Semua cadangan daripada para peserta Kongres diluluskan dan merangkumi sebahagian besar dokumen ini. Uskup Agung menawarkan beberapa “tambahan” yang turut dimuatkan di dalam dokumen ini. Sebelum kelulusan muktamad oleh Uskup Agung, semua cadangan dan saranan ini dibentangkan dalam mesyuarat paderi selain Mesyuarat Agung Tahunan Majlis Pastoral Keuskupan Agung pada 20hb Oktober 2012 bagi ulasan lanjut.

Visi dan Misi yang diluluskan bagi Keuskupan Agung Kuching dibentangkan dalam buku kecil ini.



VISI

**KAMI BERUSAHA UNTUK MENJADI GEREJA
DENGAN MENJADI MURID-MURID FIRMAN
DALAM KESATUAN (KOMUNI) BAGI MISI.**

MISI

**KAMI BERUSAHA UNTUK MENCAPAI VISI KAMI
DALAM CARA-CARA BERIKUT.**



A. MURID-MURID FIRMAN

1. Menyediakan pembentukan berterusan mengenai Firman Allah dan ajaran Gereja selain menghidupkan dan menjadikan perayaan Sakramen-sakramen bermakna bagi semua paderi, religius dan umat pada pelbagai peringkat:


- a) Menerusi katekesis kanak-kanak, belia dan orang dewasa yang bernas. Bagi pelajar, kelas katekisme mesti disediakan di sekolah atau di paroki.
- b) 'Siri Kateketikal Malaysia' yang telah diterbitkan dalam Bahasa Inggeris, Bahasa Cina dan Bahasa Melayu mesti digunakan. Sementara katekis memainkan peranan penting di sini, paderi dan religius mesti komited malah terlibat secara langsung dalam kerja kateketikal (*dari 'Tambahan Uskup Agung'*).
- c) Menerusi program-program yang membantu umat untuk mengalami Allah dan diurapi Roh Kudus – contohnya Seminar Kehidupan dalam Roh Kudus; kursus Alpha; seminar perkembangan.
- d) Menerusi homili-homili yang mengemukakan dengan jelas ajaran-ajaran Gereja selain menanggapi isu-isu yang sukar dan sensitif.
- e) Menerusi penggunaan Firman Allah dalam Al-Kitab dalam setiap kesempatan – contohnya rosari, doa-doa waktu kematian, harijadi, doa-doa bagi orang sakit.
- f) Dengan memiliki dan menggunakan Al-Kitab secara peribadi dalam doa-doa harian.
- g) Menerusi sokongan kepada satu sama lain selain membina rangkaian bagi menjalani kepercayaan Katolik.

2. Memilih, melengkapi dan memperkasakan lebih ramai ketua awam agar mereka menjadi ejen-ejen yang berkesan dan yakin bagi penginjilan baharu supaya mereka dapat menghasilkan murid-murid baharu bagi Tuhan:
 - a) Dengan membantu mereka untuk memahami bahawa mereka memiliki, menjaga dan bertanggungjawab bagi Gereja.
 - b) Menerusi program-program pembentukan dan latihan – yang boleh dipusatkan.
 - c) Menerusi proses penilaian untuk membantu mereka.
3. Membantu umat, terutamanya golongan muda, menangani kuasa dan falsafah sedia ada yang bertentangan dengan Injil:
 - a) Menerusi pendidikan Katolik – sehubungan ini, kita perlu melengkapi dan melatih para pendidik Katolik untuk mengajar kepercayaan Katolik dalam semua institusi pendidikan.
 - b) Dengan membantu ibu bapa untuk menyedari mereka adalah katekis-katekis utama selain menyediakan mereka dengan ilmu pengetahuan serta alat-alat asas bagi menunaikan peranan mereka ini.
4. Mengurus dan menggunakan dengan bijak sumber yang kaya mengenai Al-Kitab dan ajaran-ajaran Gereja selain mengguna-pakai teknologi baharu, media cetak dan massa bagi pembentukan iman.
 - a) Jadikan sumber-sumber ini mudah diperolehi dan dicari.
 - b) Jika perlu, gunakan kakitangan yang dedikasi untuk menguruskan sumber-sumber ini.
 - c) Galakkan penterjemahan Al-Kitab dan sumber-sumber ke dalam bahasa-bahasa tempatan.
 - d) Sediakan homili Ahad dengan kandungan kateketikal dan gunakannya sebagai sumber untuk digunakan oleh ketua-ketua sembahyang dalam kebaktian Ahad.
 - e) Atur program dan sediakan kemudahan serta kakitangan untuk melatih ketua-ketua awam bagi kerja Injil.



5. Mempromosikan dengan lebih bersemangat program-program pembentukan iman sedia ada yang berkesan – contohnya kursus Alpha, 'Great Adventure', pengajian Al-Kitab Katolik dengan bimbingan – dan menyerapkannya ke dalam strategi pastoral di semua paroki.

B. KESATUAN (KOMUNI)



1. Mempromosikan komunikasi yang baik, kerjasama bermakna dan penyelarasan pelbagai pelayanan atau ministri di setiap paroki dan di kalangan pelbagai paroki, malah dengan keuskupan dan gereja Kristian lain.
 - a) Dengan memupuk sikap yang berpandangan terbuka serta kesediaan untuk menyumbang kepada perkembangan paroki dan Keuskupan Agung (*dari 'Tambahan Uskup Agung'*).
 - b) Dengan berkongsi sumber, kepakaran, bahan dan kemudahan.
2. Memupuk kesatuan dalam paroki. Majlis Paroki adalah badan rasmi manakala pada peringkat Keuskupan Agung, ia adalah Majlis Pastoral Keuskupan Agung, Dalam kesatuan ini, semua paderi dan ketua awam digesa untuk meniru Yesus "Tuhan dan Guru kita yang mencuci kaki" murid-murid-Nya (cf. Yoh. 13:12-20). (*Dari 'Tambahan Uskup Agung'*)
3. Mengetengahkan dan membantu umat mengenali tanda-tanda kesatuan:
 - a) Menerusi Ekaristi yang menjadi sumber dan tanda paling sempurna bagi kesatuan kita. Sehubungan itu, ia adalah perlu untuk mempromosikan dan memupuk panggilan kepada kepaderian.
 - b) Dengan mengenali peranan Pope dan Uskup-uskup yang merupakan tanda-tanda kesatuan Gereja sejagat dan tempatan yang dapat dilihat.
 - c) Dengan mengiktiraf sumbangan golongan religius dalam kehidupan Gereja. Ia adalah perlu untuk menggalakkan panggilan kepada kehidupan religius.

4. Melibatkan semua umat yang sudah dibaptis dan juga katekumen di dalam pelbagai pelayanan atau ministri gereja supaya mereka merasakan bahawa mereka adalah anggota jemaat.
5. Mewujudkan situasi yang kondusif bagi memupuk persahabatan dan persaudaraan di kalangan umat:
 - a) Dengan membawa symbol-simbol kepercayaan dari rumah ke rumah bagi sembahyang berjemaat – contohnya patung atau gambar Bunda Maria, salib, rosary.
 - b) Menerusi amalan hospitaliti yang mesra atau ministri penyambut .
 - c) Menerusi waktu persaudaraan tidak rasmi – contohnya minum kopi pagi, hari keluarga, sukaneka.
 - d) Dengan membina jemaat kecil – contohnya kumpulan sel, komuniti perjanjian, kumpulan doa, kumpulan rosari blok keluarga, komuniti Kristian kecil, kumpulan kejiranan lain.
 - e) Melayani orang yang mengalami kematian dengan menunjukkan kasih sayang, keprihatinan dan sokongan.



C. MISI

1. Membentuk, melengkapi dan memperkasakan umat dan keluarga supaya menjadi penginjil di kejiranan, taman dan kampung mereka.
2. Mendekati pelbagai kumpulan sasaran termasuk golongan muda, orang Katolik yang sudah lama tidak mengamalkan ajaran agama, orang bukan Kristian, katekumen, 'neophyte', pendatang, mereka yang dipinggirkan dan memerlukan bantuan.
 - a) Berjalan bersama mereka selain memberikan pembentukan iman, sokongan rohani dan emosi serta bantuan kebendaan kepada mereka.
 - b) Menyediakan pengangkutan bagi mereka yang memerlukannya.




- c) Lengkapi mereka untuk menangani masalah-masalah biasa yang mereka hadapi setiap hari – contohnya menerusi ceramah mengenai penyediaan bajet, kemudahan bagi pemeriksaan kesihatan, membantu dengan permohonan pinjaman dan sebagainya.
- d) Dirikan sebuah pusat untuk membantu mereka yang memerlukan pekerjaan dengan menghubungkan mereka kepada majikan berpotensi.
- e) Di sini, sumbangan Legio Maria, pergerakan terbesar dalam Keuskupan Agung, kepada misi Gereja diiktiraf (*dari 'Tambahan Uskup Agung'*).

3. Memastikan Sakramen-sakramen mudah diterima.

- a) Paderi harus ada bagi Sakramen Pengakuan Dosa dan Sakramen Orang Sakit.
- b) Perkahwinan yang 'belum tetap' (*irregular*) perlu disahkan (*convalidated*) di dalam Gereja.

4. Menggunakan acara pengebumian dan majlis perkahwinan sebagai peluang-peluang pastoral bagi penginjilan selain melayani mereka yang tidak lagi mengamalkan kepercayaan mereka.

D. PEMBANGUNAN INSAN & KEADILAN SOSIAL



- 1. Memulakan pendekatan kukuh untuk mendidik jemaat kita tentang hak-hak di bawah perlembagaan termasuk kebebasan beragama.
 - a) Mengambil pendirian berani bersama pelbagai Gereja Kristian mengenai penghakisan kebebasan beragama.
 - b) Menggunakan kaedah politik yang ada dengan berhemat selain menjalankan hak untuk mengundi.
- 2. Memupuk, mengguna-pakai malah memperbaiki struktur-struktur sedia ada bagi melayani golongan muda – contohnya '*Kuching Archdiocesan Youth Apostolate*', '*Young Christian*

Students' (Pelajar Kristian Muda), rangkaian kampus, selain mengguna-pakai kaedah Keluarga Angkat bagi pelajar dan muda-mudi yang berada di perantauan.

*(*K.A.Y.A. adalah satu pembentukan kerasulan 'live-in' selama empat minggu khususnya bagi pelajar-pelajar yang menunggu keputusan peperiksaan awam SPM dan STPM).*

3. Menubuhkan pasukan petugas pada peringkat Keuskupan Agung untuk membantu mangsa-mangsa kesalahan.
4. Menggalakkan umat untuk menubuhkan atau menyertai badan-badan bukan kerajaan (NGO), institusi atau organisasi yang dirasmikan atau disahkan. Ini boleh bertindak sebagai "badan pemikir" dan saluran untuk membantu orang Kristian pada peringkat akar umbi.
5. Menggalakkan orang awam untuk terlibat secara aktif dalam politik bagi menyediakan saluran untuk membawa keperluan Gereja kepada pucuk pimpinan negara; dan memastikan perbezaan politik tidak memecah-belahkan jemaat Gereja pada semua peringkat (*Dari 'Tambahan Uskup Agung'*).
6. Secara umumnya, kerja pembangunan insan dalam Keuskupan Agung telah dijalankan oleh '*Catholic Welfare Services*' (Khidmat Kebajikan Katolik) dan '*St. Vincent de Paul Society*' (*dari 'Tambahan Uskup Agung'*).



E. TAMBAHAN USKUP AGUNG

1. Meneruskan program 'Tumpuan kepada Keluarga' dan mengukuhkan kehidupan keluarga sebagai Gereja domestik.
 - a) Dengan menangani perkara-perkara di mana program tumpuan kita kepada keluarga selama lima tahun tidak dijalankan dengan begitu memuaskan.
 - b) Menyediakan sokongan kepada pasangan suami isteri muda menerusi penajaan menurut model pembaptisan dan penguatan.
 - c) Menggalakkan ibu bapa untuk melahirkan lebih ramai anak.


2. Berhubung pendidikan Katolik:

- a) Menubuhkan atau berusaha untuk menubuhkan tadika Katolik bagi menurunkan kepercayaan Katolik kepada kanak-kanak kita yang kecil.
- b) Meneliti kemungkinan untuk menyediakan asrama bagi pelajar kita di kawasan luar bandar berdekatan sekolah mereka dengan matlamat untuk menyelia pengajian mereka dan memupuk nilai-nilai Katolik dalam diri mereka.



PERANAN ROH KUDUS

Peranan Roh Kudus dalam pembentukan murid dan kesatuan kita selain usaha-usaha pastoral, penginjilan dan mubaligh sama sekali tidak boleh diketepikan. Kerana Dia memang ejen utama dalam kehidupan, pelayanan dan misi kita sebagai Gereja. Dengan jaminan bimbingan dan hadirat-Nya, kita akan memulakan perjalanan kita menuju visi atau wawasan dengan melaksanakan ketetapan yang telah dibuat dalam Kongres.



Diterbitkan dengan kebenaran dari Uskup Agung Kuching - 19 Mar 2013